



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

25 d Pauli deß Apostels beköhrung.

urn:nbn:de:hbz:466:1-41449

Januarus

Anno Dñi
207.

glüenden Eysenhüt/ auff sein Haupt setzen/ vnnnd nach dem er diß alles vberwunden / auch mitten im Feuer vnuerlest blib/ ist er vmb Christi willen enthauptet worden/ leuchtet vor vnd nach seinem tod mit Wunderzeichen. Disen setzt man auch am 29. tag diß Monats.

Item des H. Bischoffs vnd Marterers Felicians/ welcher vnder dem Kayser Decio / vil grausame marter vberstanden/ vnd biß in den tod / für den Christlichen Glauben/ vmb die Marterkron ritterlich gestritten hat.

Am selbigen tag/ seind auch gemartert vnd getödtet worden / die heylige drey Brüder / Paulus/ Pausinius vnd Theodotion/welche nach verachtung der weltlichen üppigkeit/ sich in ein Klosterleben begaben/auch vnder den Kaysern Diocletiano vnd Maximiano/ iren Christlichen Glauben vor den Hayden frey bekenneten/ vnd derhalben mit dem bitteren Tod/die ewigen freuden erkaufften.

Item die erhebung des H. Königs vnnnd Marterers Erixi/ von welchem hernach am 18. May weiter.

Item zu Erffordt/die erhebung der heyligen Junckfrawen Pusinne / von welcher hernach am 23. Aprilis weiter.

d viij. Calendas Februarij.

Der XXV. Tag im Jenner.

Hut ist der Tag/ der wunderbarlichen beköhrung des heyligen auferwölten grossen Apostels Pauli/ geschehen bey Damasco / im andern Jar der Auffart Christi vnsero HERRN. Diser ist auß einem wütigen vnnnd blütigen Verfolger der gangen Christi

Christenheit / alsbald verwandelt worden / in ein auß-
erwähltes Faß der Gnaden / ja in ein solchen Lehrer vnd
Apostel der Heyden / der mehr dann alle andere Apostel ^{Actor. 9.}
hernacher im Weingarten des Herren gearbeitet / vnd
vmb Christi Namen gelidten hat / zu Rom wirdt auch
heut seines Leibs erhebung begangen.

Item inn der Statt Damasco / des H. Ananie /
welcher den obgemeldten H. Paulum getaufft hat / ist
einer auß den 72. Jüngern Christi gewesen / vnd nach
der beköhrung Pauli / von den Aposteln zu Damasco
für ein Bischoff gesetzt worden / hat sein Ampt trewlich
verricht / vnd ist im frid entschlaffen.

Item in der Statt Auern / der H. Marterer Pre-
lecti des Bischoffs / vnd Marini des würdigen Abts /
welche beyde des Glaubens halben / von den Obersten
derselben Statt gemartert worden / vnder dem jüngern
Kaysen Constantino.

Item in der Statt Gauallio des heyligen Bischoffs
Seueriani / der war ein Mann wunderbarlicher Hey-
ligkeit / vnd gleich ein gewaltiger Prediger des Göttli-
chen Wortes / darumb ihn der Constantinopolitanisch
Bischoff Johannes / vnd der Kaysen Arcadius offte gen
Constantinopel berufften / damit sie seine Predig höre-
ten : ist in gemelter Statt im frid entschlaffen. Anno Dñi
390.

Item die begräbnus des H. Gregoris Nazianze-
ni / von welchem hernach am 19. tag May weyter.

Item der heyligen / Edlen / Römischen Frawen
Lucinne / welche S. Sebastians vnd viler anderer hey-
ligen Marterer Leib begraben / auch ihr Haus zu einer
Kirchen hat weyhen lassen / darumb sie vom Kaysen Ma-
ximiano ins ellend verschickt / allda sie nach langem
kämpffen im frid verschiden. Anno Dñi
287.

Januarus

Item der heyligen Marterer Iulientini vnd Maximi/von welchen S. Chrysoſtomus an ihrem Geburtag ein Predig gethan.

e vij. Calendas Februarij.

Der XXVI. Tag im Jenner.

In der Statt Smyrna/ ist heut der Tag des heyligen hochgelobten Bischoffs vnd Marterers Policarpi/welcher ein Jünger des heyligen Apostels Johannis / vnd von ihm zum Smyrnensischen Bischoff gesetzt/ auch aller Christen in Asia Beschützer vnd Haupt war. Hat grossen nutz mit seiner Lehr vnd Leben geschafft/ vil Christen auß der Ketzerey beköhret/ die Catholischen gesterckt. Ist hernach vnder den Kaysern Marco Antonino / vnd Lucio Aurelio Commodo/ auff einem Schawplatz/da alles Volck derselben Statt wider ihn schreye/ in ein feur geworffen worden. Als er aber vnuerlest blib/hat in einer mit einem Spieß durchstochen/da dann sein vnschuldigs Blut / so reichlich von ihm geflossen/das es das Feur außlöschet. Die Christen aber haben sein Leib zu Smyrna begraben. Es seind auch zwölff Jünger / welche gemeltem Policarpo auß Pamphilia nachgefolget / in gemeldter Statt mit ihm gemartert worden.

Item vnder derselben verfolgung zu Laodicea der heylig Marterer Theogenis / sampt andern sechs vnd dreyßig mitgesellen / welche den zeitlichen Tod verschmechten / vnd die Kron des ewigen Lebens erlangten. Von diesem Theogene schreibt Sanct Augustinus.

Item

Anno Dñi
160.

Homil. de Penitencia.